



TOSHKENT DAVLAT YURIDIK UNIVERSITETI REKTORINING B U Y R U G ' I

25.10.2022

251-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti 4-kurs talabasi Tursunov Eldor Dilshod o'g'li universitet Odob-axloq kodeksi qoidalari bilan tanishtirilgan, shuningdek, dekanat tomonidan ogohlantirish berilgan bo'lishiga qaramasdan belgilangan kiyinish va tashqi ko'rinishga oid qoidalarga zid ravishda universitetga futbolkada va soqoli o'sgan holda kelgan. Shuningdek, talaba E.Tursunov dars mashg'uloti davomida barcha talabalarga namoyishkorona tarzda bosh kiyimini ko'ziga tushirib olib uxlab o'tirgan.

Talaba mazkur harakatlari bilan universitet Odob-axloq kodeksi 11-moddasining to'rtinchi xatboshisi (universitet xodimi, talabasi va doktoranti bo'lgan erkaklar oq, havorang, och jigar rang yoki och kulrang ko'ylakda, klassik uslubdagi shim yoki odmi kostyum va to'q rangdagi poyabzalda kelishlari lozim) va 16-moddasining sakkizinchi xatboshisi (universitet binolari va hovlisida, shuningdek, Universitet binolariga tutashgan hududda spirtli ichimliklar ichish va tamaki yoxud boshqa turdagi mahsulotlarni chekish hamda mast holda bo'lish, tashqi ko'rinishga va ushbu Kodeksda belgilangan qoidalarga zid ravishda soch-soqoli o'sgan, to'zg'igan va kiyinish talabalariga rioya qilmagan holda kelish) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 11-moddasining to'rtinchi xatboshisi va 16-moddasining sakkizinchi xatboshisi hamda universitetning Ichki tartib qoidalari

(ichki mehnat tartibi qoidalari) 83-bandiga asosan

BUYURAMAN:

1.Universitet Odob-axloq kodeksi 11-moddasining to‘rtinchi xatboshisi va 16-moddasining sakkizinchi xatboshisi talablarini buzganligi uchun universitetning Xalqaro huquq va qiyosiy huquqshunoslik fakulteti 4-kurs talabasi Tursunov Eldor Dilshod o‘g‘liga hayfsan e‘lon qilinsin.

2.Xalqaro huquq va qiyosiy huquqshunoslik fakulteti dekani (D.Umarxanova):

ushbu buyruq bilan Xalqaro huquq va qiyosiy huquqshunoslik fakulteti talabalarini tanishtirsin;

mazkur holat takror sodir etilsa, talabani talabalar safidan chetlashtirish mumkinligi to‘g‘risida ogohlantirsin;

mazkur talabaning shaxsiy hujjatlar yig‘majildiga buyruq nusxasi tikilishini ta‘minlasin.

3. Fakultet dekanlari mazkur buyruq bilan talabaga nisbattan qo‘llanilgan intizomiy jazo chorasini talabalar o‘rtasida shu kabi holatlar yuzaga kelmasligi, ularda dars mashg‘ulotlari hamda professor-o‘qituvchilarga bo‘lgan hurmatni shakllantirish maqsadida (talabaning shaxsini sir saqlagan holda) barcha talabalar e‘tiboriga yetkazish choralarini ko‘rsin.

4. Mazkur buyruq bajarilishini nazorat qilish birinchi prorektor A.Xashimxonov zimmasiga yuklansin.

Rektor



A.TASHKULOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



yuriskonsult

D.ALIBOYEV

